

Ár 2001, miðvikudaginn 19. september var af Yfirlasteignamatsnefnd í málínu nr. 6/2001 kveðinn upp svohljóðandi

## ÚRSKURÐUR

Með bréfi 23. maí 2001 kærir LEX lögmannsstofa ehf. fyrir hönd Árna Þórs Vigfussonar brunabótamat íbúðar nr. 0802 ásamt meðfylgjandi bílastæði B46 að Skúlagötu 44 í Reykjavík, sbr. þar að lútandi tilkynningu Fasteignamats ríkisins dags. 23.02.2001.

Í bréfi kæranda segir m.a.:

“Eins og sjá má af tilkynningu Fasteignamats ríkisins, dags. 23. febrúar 2001, þá er fjárhæð hins kærða brunabótamats hins vegar kr. 17.000.000,- Samkvæmt 2. gr. laga nr. 48/1994, um brunatryggingar, skal vátryggingarfjárhæð húseignar skv. 1. mgr. 1. gr. laganna, nema fullu verði eignarinnar eftir virðingu. Þá segir í greininni að markmið matsins sé að finna vátryggingar-verðmæti húseignarinnar á þeim tíma er virðing fer fram og skuli matið taka til þeirra efnislegu verðmæta húseignarinnar sem eyðilagst geta af eldi og miðast við byggingarkostnað að teknu tilliti til aldurs, slits, viðhalds og ástands eignar að öðru leyti.

Annars vegar með hliðsjón af því brunabótamati sem fram kemur í tilkynningu Fasteignamats ríkisins, dags. 23. febrúar 2001, og hins vegar með hliðsjón af kaupverði fasteignarinnar og þess kostnaðar sem umbj. minn lagði út í við innrétti hennar telur umbj. minn að við mat Fasteignamats ríkisins á vátryggingarverðmæti eignarinnar á þeim tíma sem virðing hennar för fram hafi matsmaður ekki tekið að fullu til greina þau efnislegu verðmæti húseignarinnar sem geta eyðilagst af völdum elds miðað við byggingarkostnað og að teknu tilliti til aldurs, slits, viðhalds og ástands eignarinnar að öðru leyti.

Í ljósi þessa er brunabótamat Fasteignamats ríkisins, dags. 23. febrúar 2001, hér með kært til yfirlasteignamatsnefndar, skv. heimild þar um í 6. mgr. 2. gr. og 5. gr. laga um brunatryggingar, nr. 48/1994, og er gerð krafa til þess að brunabótamat vegna fasteignarinnar verði hækkað, þannig að það nemi kr. 23.605.000,- Jafnframt er gerð krafa um að matið verði framkvæmt umbj. okkar að kostnaðarlausu”.

Erindi þetta var sent Fasteignamati ríkisins og viðkomandi vátryggingafélagi, VÍS, til umsagnar með bréfum dags. 28. maí 2001. Í svarbréfi Fasteignamats ríkisins dags. 12. júní 2001 segir m.a.:

“Í kærubréfi lögmannsins kemur m.a. fram að kaupverð eignarinnar á árinu 2000 hafi verið 19.500.000 kr. og hún hafi verið athent tilbúin undir trúverk. Síðan hafi eigandi hafist handa við að innréttu íbúðina og hafi heildarkostnaður numið kr. 4.105.000 kr. Gerð er krafa um að brunabótamat verði hækkað, þannig að það nemi samanlöögum þessum fjárhæðum, þ.e. 23.605.000 kr.

Íbúð sú sem hér um ræðir er 142,5 fm. auk bílastæðis. Sameignartými matshlutans er 17% af heildarfermetrafjölda hans,...”.

Í bréfinu segir ennfremur:

“Með vísan til kærubréfsins bendir Fasteignamat ríkisins á að ýmis kostnaður við nýbyggingu húss kemur ekki fram í brunabótamati þar sem sá kostnaður fellur ekki til við endurbryggingu húss eftir eldsvoða, en það eru til að mynda gatnagerðargjöld, tengigjöld, lagnir og kostnaður vegna lóðar. Brunabótamat sambærilegra húsa á jafnframt að vera svipað óháð staðsetningu þeirra á landinu og samkvæmt ofansögðu tekur það einungis til húseignarinnar en ekki til lóðarinnar. Stofnuninni berast kaupsamningar nánast allra fasteigna og í úrvinnslu stofnunarinnar á upplýsingum þeirra kemur fram að staðsetning húseigna hefur veruleg áhrif á söluverð þeirra. Með vísan til þess sem að framan greinir eru ekki forsendur til að leggja að

jöfnu söluverð íbúðarinnar að viðbættum innréttингarkostnaði og brunabótamat eins og lögmaðurinn gerir í kærubréfi sínu.”

Umsögn hefur ekki borist frá Vátryggingarfélagi Íslands.

Yfirlasteignamatsnefnd leitaði til fjármálaráðuneytisins eftir fresti til að úrskurða í málí þessu vegna endurskipunar nefndarinnar á miðju sumri 2001. Var sá frestur veittur til-loka september með bréfi ráðuneytisins 9. júlí 2001 og það tilkynnt máls-aðilum.

Yfirlasteignamatsnefnd gekk á vettvang 8. ágúst 2001 og skoðaði umrædda eign í fylgd eigandans Árna Þórs Vigfussonar og Stefáns Stefánssonar innréttингahönnuðar. Af hálfa nefndarinnar mættu nefndarmennir Pétur Stefánsson, Agnar Gústafsson og Andrés Svanbjörnsson ásamt ritara nefndarinnar Friðþjófi Sigurðssyni.

Íbúðin er á tveimur efstu hæðum hússins Skúlagötu 44 og skiptist í samliggjandi stofu/borðstofu og eldhús ásamt baðherbergi, vinnuherbergi og þvottaherbergi á 8. hæð og svefnherbergi og tómstundaherbergi á 9. hæð. Eitt bílastæði í kjallara fylgir íbúðinni.

Frágangur íbúðarinnar er vandaður að allri gerð, gegnheil eikarborð á gólfum, veggir og loft máluð en flísalögð á baði. Allar innréttningar eru sérsmiðaðar úr þini og ryðfríu stáli. Tæki í eldhúsi og baðherbergi eru af vandaðri gerð. Lýsing er innfelld halogenlýsing. Skráð stærð íbúðarinnar er 142,5 ferm. og fylgir henni 17 % eða 28 ferm. af sameiginlegu rými hússins.

Í lögum um brunatryggingar nr. 48/1994, sbr. einnig lög nr. 34/1999, segir í 2. gr.: “Er markmið matsins að finna vátryggingarverðmæti húseignarinnar á þeim tíma er virðing fer fram. Skal matið taka til þeirra efnislegu verðmæta húseignarinnar sem eyðilagst geta af eldi og miðast við byggingarkostnað að teknu tilliti til aldurs, slits, viðhalds og ástands eignar að öðru leyti. Matið skal skrá í landskrá fasteigna þar sem því skal viðhaldið.”

Í reglugerð um brunatryggingar nr. 809/2000 segir enn fremur í 5. gr.:

“Við ákvörðun afskrifta skv. 1. mgr. skal taka mið af áætluðum líftíma byggingarhluta eða frumþátta þeirra eftir því sem við á. Afskriftir taka þó ekki til vinnu manna og vélavinnu nema í þeim tilvikum að húseign sé gölluð eða skemmd að einhverju eða öllu leyti.”

Í bréfi lögmanns kæranda kemur fram að umbjóðandi hans hafi keypt umrædda íbúð á 19,5 m.kr. tilbúna undir trúverk en kostnaður við innréttningar hafi numið 4,1 m.kr.

Við vettvangsgöngu óskaði eigandi að taka fram að vinnuliður við innréttningar hafi verið vantalinna í kærubréfi lögmannsins.


Brunabótamat er lögum samkvæmt óháð markaðsvirði eigna og kaupverð íbúðarinnar því ekki ákvarðandi um brunabótamat hennar. Innréttning íbúðarinnar er hinsvegar öll sérhönnuð og sérsmiðuð og óvenju mikið í hana lagt. Það er því að mati Yfirlasteignamatsnefndar ljóst að byggingarkostnaður hennar og þar með vátryggingarverðmæti er óvenju hátt miðað við sambærilegar eignir, en íbúðin er ný og rýrnun vegna slits og aldurs óveruleg.

Það er mat Yfirlasteignamatsnefndar að brunabótamat umræddrar íbúðar sé hæfilega ákvarðað kr. 20.400.000 en meðfylgjandi stæðis í bilageymslu óbreytt kr. 909.000 miðað við febrúar 2001, vísitala 249 stig.

Eftir atvikum þykir rétt að kærandi greiði ekki kostnað við úrskurð þennan.

ÚRSKURÐARORD:


Brunabótamat íbúðar 0802 að Skúlagötu 44, Reykjavík ákvarðast  
kr. 20.400.000 en brunabótamat tilheyrandi bílastæðis B46 í bílgeymslu  
kr. 909.000 miðað við febrúar 2001.



Pétur Stefánsson



Ólafur Guðlaugsson



Andrés Svanbjörnsson